

ҚҰЖАТТАРДЫ ТАПСЫРУ БОЙЫНША ЖАДЫНАМА

Үміткер 2 құжат топтамасын дайындайды:

- 1) 1 құжат топтамасын мемлекеттік не орыс тілінде дайындап «Халықаралық бағдарламалар орталығы» АҚ-ға ұсыну қажет.
 - 2) 1 құжат топтамасы қырғыз не орыс тіліне аударылып, нотариалды куәландырылуы керек.
- Құжаттардың барлық 2 топтамасы «Халықаралық бағдарламалар орталығы» АҚ-ға ұсынылады және олар түгел болған кезде ғана қабылданады.

ҚҰЖАТТАР 2021 ЖЫЛҒЫ 31 МАМЫРҒА ДЕЙІН (ҚОСА АЛҒАНДА) ҚАБЫЛДАНАДЫ

МЕМЛЕКЕТТІК НЕ ОРЫС ТІЛІНДЕГІ ҚҰЖАТТАР ТОПТАМАСЫ

Нұр-Сұлтан қ. карантин шараларының күшеюіне байланысты, «Халықаралық бағдарламалар орталығы» АҚ құжаттарды тапсыру үшін мына сілтеме бойынша https://egov.kz/cms/ru/services/higher_education/pass_203_mon «электрондық үкімет» (Egov.kz) порталы арқылы қызметті пайдалануды сұрайды (құжаттарды тапсыру тәулік бойы қолжетімді).

Сондай-ақ, Сіз «Білім беру саласындағы халықаралық шарттар шеңберінде шетелде оқу конкурсына қатысу үшін құжаттарды қабылдау» қызметі бойынша құжаттарды беру жөніндегі [бейне-нұсқаулықпен таныса аласыз](#).

«Электрондық үкімет» порталы арқылы құжаттарды тапсыру үшін ЭЦҚ қажет, оны қашықтан алуға болады. ЭЦҚ алу жөніндегі нұсқаулықпен онлайн режимде (қашықтан) мына сілтеме бойынша таныса аласыз https://egov.kz/cms/ru/services/pass_onlineecp егер электрондық қызметтерді алу кезінде қиындықтар туындаса, алдыңғы сілтеме бойынша виртуалды операторға жүгіне аласыз немесе 1414 нөмірі бойынша байланыс орталығына тегін қоңырау шала аласыз.

ЭЦҚ алғаннан кейін Сізге Egov.kz арқылы құжаттарды тапсыру қажет.

НАЗАР АУДАРЫҢЫЗ: Үміткер сауалнамада екі жоғары оқу орны мен қалаған екі мамандығын көрсете алады және оларды басымдығына қарай орналастыруы қажет, онда бірінші таңдаған мамандығына екіншісіне қарағанда басымдық беріледі.

«Халықаралық бағдарламалар орталығы» АҚ-ға ұсынылатын құжаттар тізбесі:

1. Қазақстан Республикасы азаматының толтырылған сауалнамасы.
2. Жеке куәліктің және/немесе паспорттың көшірмесі (қолма-қол берген кезде салыстырып тексеру үшін түпнұсқасы немесе нотариат куәландырған көшірмелері талап етіледі).
3. Білім туралы құжаттардың келесі түрлері:

«БАКАЛАВРИАТ» оқу бағдарламасын таңдаған кезде				
Үміткердің ағымдағы мәртебесі	Білім туралы қажетті құжаттар	Орташа балға қойылатын талаптар	Құжат түрі	
			қолма-қол тапсырғанды	Egov.kz арқылы
Бітіруші сынып оқушысы	1) негізгі орта білім туралы, яғни 9 немесе 10-сынып үшін қосымшасы бар куәлік; 2) білім алушының мәртебесі туралы анықтаманың көшірмесі; 3) ағымдағы оқу жылындағы, яғни ағымдағы жылдың бірінші жартыжылдығындағы үлгерімі туралы орташа балы көрсетілген табель немесе транскрипт.	орташа балы кемінде 4,0 (5,0-ден) балл <i>немесе оның баламасы бағалау баламалығы кестесіне сәйкес*</i> (көрсетілген талаптар барлық ұсынылған білім беру құжаттарына қойылады)	көшірмелері (түпнұсқасы немесе нотариалды куәландырылған көшірмелері салыстырып тексеру үшін талап етіледі)	электрондық көшірме (құжаттың скан-көшірмесі)
Мектеп түлегі	Орта білімі туралы аттестат қосымшасымен.			
Колледж студенті	1) Орта білімі туралы аттестат қосымшасымен немесе негізгі орта білімі туралы куәлік; 2) білім алушының мәртебесі туралы анықтаманың көшірмесі; 3) ағымдағы оқу жылындағы, яғни ағымдағы жылдың бірінші жартыжылдығындағы үлгерімі туралы орташа балы көрсетілген табель немесе транскрипт.			
Колледж түлегі	Арнайы орта білім туралы диплом қосымшасымен			

«Магистратура» оқу бағдарламасын таңдаған кезде

ЖОО түлегі	қосымшасы бар бакалавр/маман дипломы.	ГРА кемінде 4,0-ден 3,0 немесе <i>оның баламасы бағалау баламалығы кестесіне сәйкес*</i>	көшірмелері (түпнұсқасы немесе нотариалды куәландырылған көшірмелері салыстырып тексеру үшін талап етіледі)	электрондық көшірме (құжаттың скан-көшірмесі)
ЖОО бітіруші курс студенті	1) білім алушының мәртебесі туралы анықтама; 2) ағымдағы оқу жылындағы, яғни ағымдағы жылдың бірінші жартыжылдығындағы үлгерімі туралы орташа балы көрсетілген табель немесе транскрипт.	ГРА кемінде 4,0-ден 3,0 немесе <i>оның баламасы бағалау баламалығы кестесіне сәйкес*</i>		

* Бағалау баламалылығы кестесімен [сілтеме арқылы таныса аласыз](#).

Маңызды! Шетелдік білім беру ұйымдары құжаттарды берген жағдайда, үміткер білім туралы құжат аудармасының нотариалды куәландырылған көшірмесін ұсынады.

4. Таңдалған оқу бағыты бойынша **республикалық немесе халықаралық деңгейдегі** іс-шараларға қатысқаны үшін алған грамоталардың, сертификаттардың, дипломдардың көшірмелері (болған жағдайда).
5. Шетелде оқуға жіберуге үміткердің (18 жасқа толмаған адамдардың) заңды өкілінің (ата-аналары, бала асырап алушылары, қорғаншысы немесе қамқоршысы, баланы қабылдайтын ата-анасы, патронат тәрбиешісі) жазбаша келісімі.
6. Тиесілік фактісін растайтын құжаттың түпнұсқасы (болған жағдайда):
 - **жетім балалар мен ата-анасының қамқорлығынсыз қалған балаларға** – баланың ата-анасының жоқтығын растайтын құжаттың көшірмесі (түпнұсқа салыстырып тексерілгеннен кейін үміткерге қайтарылады);

- **мүгедек балалар** - «Медициналық-әлеуметтік сараптама жүргізу қағидаларын бекіту туралы» Қазақстан Республикасы Денсаулық сақтау және әлеуметтік даму министрінің 2015 жылғы 30 қаңтардағы № 44 бұйрығымен (Нормативтік құқықтық актілерді мемлекеттік тіркеу тізілімінде № 10589 болып тіркелген) бекітілген нысан бойынша мүгедектік туралы анықтаманың түпнұсқасы (салыстырып тексерілгеннен кейін түпнұсқа үміткерге қайтарылады);

- **көп балалы отбасылардан шыққан балалар** – бірге тұратын төрт және одан да көп кәмелетке толмаған балалардың туу туралы куәлігінің түпнұсқасы немесе асырап алу туралы сот шешімінің көшірмесі, бірге тұратын барлық кәмелетке толмаған балаларға мекенжай анықтамалары (түпнұсқа салыстырып тексерілгеннен кейін үміткерге қайтарылады)

7. Шетелдік ЖОО-ның мемлекеттік тілге **нотариалды куәландырылған аудармасы бар** шақыруының көшірмесі (бар болса).
8. Құжаттарды үшінші тұлға тапсырған жағдайда, конкурстық іріктеуге қатысу үшін үміткерден өкілге нотариалды куәландырылған сенімхат түпнұсқасының болуы.

Құжаттарды қолма-қол тапсырған жағдайда алдын-ала сайтта кезекке тұру қажет <http://bolashak.gov.kz/>, сондай-ақ, көрсетілген Құжаттар пакеті қағаз құжат тігілетін папкада ұсынылады және олар **түгел болған кезде ғана қабылданады.**

ОРЫС НЕ ҚЫРҒЫЗ ТІЛДЕРІНДЕГІ ҚҰЖАТТАР ТОПТАМАСЫ

1. Паспорттың анық сканерленген көшірмесі.
2. Оқуға түсуге негіз болатын білімі туралы құжаттың көшірмесі және оған қосымша. «Халықаралық бағдарламалар орталығы» АҚ-ға тапсыру кезінде бұрын алған білім деңгейі туралы құжаттар болмаған жағдайда, үміткерлер мыналарды тапсыра алады:

Оқу бағдарламасын таңдау кезінде	Үміткердің ағымдағы мәртебесі	Білімі туралы қажет құжаттар	Құжаттарға қойылатын талаптар
Бакалавриат	Мектеп бітіруші сынып оқушысы	Бітіру сыныбында оқитыны туралы оқу орнының директоры қол қойған және мекеменің мөрімен куәландырылған бағалары бар анықтама	

	Мектеп түлегі	Орта білімі туралы аттестат қосымшасымен	
	Колледж түлегі	Орта арнайы білімі туралы диплом қосымшасымен	
Магистратура	ЖОО бітіруші курс студенті	Оқу орны басшысының қолы қойылған және мекеменің мөрімен куәландырылған оқу пәндері және бағалары бар тапсырған емтихандар/сынақтар көрсетілген транскрипт;	«Магистратура» бағдарламасы бойынша оқығысы келетін тұлғалар белгіленген тәртіппен заңдастырылған дипломның (немесе апостильдің) түпнұсқаларын және алдыңғы білім дәрежесі туралы дипломға қосымшаларды ұсынуы тиіс
	Жоо түлегі	ЖОО дипломы қосымшасымен	

3. Шетелге шығатындарға арналған медициналық анықтама.
4. АИТВ/ЖИТС жоқтығы туралы анықтама.
5. Уәждемелік эссе.
6. Ұсыным хат.
7. Қырғыз Республикасының жоғары оқу орындарына түсуге арналған толтырылған сауалнама.

НАЗАР АУДАРЫҢЫЗ: Құрметті үміткерлер құжаттарды қолма-қол тапсырған жағдайда, құжаттар қатаң көрсетілген тәртіппен қағаз құжат тігілетін папкаға тігіледі. Құжат тігілетін мұқабада: ТАӘ, үйінің мекенжайы, байланыс телефоны, электрондық мекенжайы, оқу елі, мамандығы көрсетілген ЖОО таңдалатын оқу орны көрсетілуі қажет.